

Jo. Keil ad Wolfium 5 Dec 1709

Controversia de vacuo dubia contra Aerometrium Wolfi inferatur, & quæfit recurrere ad  
acta conditorum

Joannis Keill A. M. ex Ade Christi  
in Academia Oxoniensi, epistola ad Cla-  
rissimum Virum Christianum Wol-  
fium in Academia Regia Fridericia,  
nā Mathematicum Professore.

Perlegi nuper Vir Cl. eruditum tuum de Aero,  
metria tractatum, in quo multa sunt notatu  
digna, multa lectu jucundissima. Methodus  
certe tua, quā scientiam Physicam pertractandam  
censes, quæque non alia est quā Geometrarum mi-  
hi maxime placet; nec displicet quod Introducti-  
onem meam ad veram Physicam initio operis nota-  
veris, et in eā me pro existentia vacui disputan-  
tem paralogismum commisisse asserueris. Si enim  
in illo quod pro vacuo adduxi argumentum, quic-  
quid deprehendatur Fallacia, libentissime errorem  
confitebor; at si ratiocinium illud ad accuratissi-  
mum deductum examen, vim demonstrationis ha-  
bere censeatur, exinde magis elucescet veritas, et  
Physica nostra firmiter stabilientur Principia.  
Concedis Vir Doctissime gravitates corporum  
esse quantitatibus materia in eādem proportiona-  
les, meque illius demonstrationem exhibuisse in  
pag. 56, et quod inde infero, scil. corporis cuiusq



pondus ex aucta solummodo vel diminuta materia  
quantitate augeri vel minui, adeoque eadem manen-  
te materia quantitate eodem manere pondus; dicis  
esse universaliter verum, si abstrahatur a resistenti-  
a medi in quo gravitat corpus projecta; alios  
fallere potest. At dicis dum vacui existentiam ex,  
inde demonstrare contendo paralogismum me com-  
mittere, quod negari nequit. Ratiocinium autem  
meum pro vacuo est ejusmodi. Ponamus duos globos,  
plumbi scilicet et suberis, aequalium magnitudinum,  
si in utroque eadem esset materiae quantitas, per jam  
ostensa utrumque corpus aequaliter ponderaret, nam  
materia subtilissima poros suberis occupans, ejusdem  
esset ponderis ac materia plumbi ipsi aequalis, cum  
vero magnus sit in hisce duobus globis ponderum  
discrimen, magnus quoque erit in eadem materiae  
discrimen, et si plumbum subere sit triplo gravius,  
triplo quoque major erit in plumbo contenta ma-  
teria, quam in subere; adeoque plures erunt in subere  
pori seu plura spatia absolute vacua. Vacuum igitur  
non tantum possibile est sed actu datum. Di-  
cis jam me sic ratiocinantem paralogismum com-  
mittere, cum enim omnia corpora fluido subtilissi-  
mo innatent, quod eorum poros penetrat, eam quoque  
ponderis sui partem in hoc fluido amittunt, quae  
gravitatem fluidi mole illis aequalis adaequat, unde  
impossibile est ut materia subtilissima intra po-  
ros corporum recepta in eadem materia natantium

pondus augeat, quemadmodum aqua vasis, quod re-  
plet, pondus intra aquam augere nequit.

Quamvis haec a te objecta prima fronte satis spe-  
ciosa appareant, nihilominus demonstrationem  
nostram esse firmissimam, cui et ipse, si modo illam  
attentius perpendas, assentieris, atque ejus vim nullo  
modo illud posse affirmare non dubito; et quoni-  
am ad eorum illum, in quo fundata est totius  
nostri ratiocinii vis, video te non respondisse, argu-  
mentum rursus proponam, et ad eorum tuum me,  
dum subtilissimi accommodabo

### Theorema.

Corpora quae in fluido quovis vi gravitatis eadem  
velocitate descendunt, habebunt pondera in fluido  
quantitatibus materiae proportionalia. Nam quo-  
niam corpora eadem velocitate deorsum feruntur,  
erunt ipsorum momenta seu motuum quantitates  
et quantitates materiae in eodem per Theor. nostrum  
secundum. At motuum quantitates sunt ut vires  
motum generantes, et vires motum generantes sunt  
corporum gravitates in fluido, seu pondera quibus  
in fluido deorsum feruntur, quare quantitates  
materiae in corporibus aequali velocitate descenden-  
tibus, sunt ut ipsorum pondera in fluido. Cum  
vero viri illustres Newtonus et Flagenius multi,  
plurimi experientia comprobaverunt, corpora omnia  
abstrahendo ab aëris resistentia, spatia paria cadendo  
describere; necesse erit, ut pondera corporum sint



quantitatis materia in eodem proportionalia; sive  
spatium in quo descendunt corpora sit omnino vacu-  
um, sive materia quadam subtilissima plenum.

Ponamus jam duos globos, suberis scilicet et plumbi, mag-  
nitudine aequales, in spatio, vel in fluido subtilis-  
simo, eadem velocitate descendentes, si in utroque eor-  
um esset materia quantitas, per jam ostensa utrumque  
corpus sive in fluido sive in vacuo aequaliter ponde-  
raret, et materia subtilissima poros suberis occupans  
et una cum subere descendens aequè ponderaret ac  
materia plumbi ipsi aequalis, sunt enim pondera  
quantitatibus materia proportionalia, at quantitates  
materiae ex hypothesis pleni sunt aequales, unde pon-  
dera quoque aequalia erunt. Verum horum corporum  
pondera multum inter se discrepant, unde non a-  
equales erunt in utroque corpore quantitates materiae.  
Vacuum igitur non tantum possibile est, sed quoque  
actu datum.

Ut vero, ad id, quod a te objectum est, respondeam, dico  
corpora quorum pondera in fluido quantitatibus materiae  
non sunt proportionalia, non aequaliter descendere, quod  
ostenditur per

### Theorema.

Velocitas corporis sua gravitate in fluido cadentis  
est in ratione composita ex directa ratione differen-  
tia quia ejus gravitas propria superat gravitatem fluidi  
et reciproca ratione gravitatis propriae ejusdem cor-  
poris.

Sint duo corpora A et B quorum moles sint ut A et B,  
sitque fluidum quodvis, cujus gravitas intensiva

seu propria sit ad gravitatem intensivam corporis  
A, ut g ad c; ad gravitatem autem corporis B sit gra-  
vitas fluidi, ut g ad d, et erit pondus seu materia quan-  
titas in corpore A ut c A, et pondus fluidi ipsi mole  
aqualis erit ut g A, ac proinde ponderum differen-  
tia erit c A - g A. et similiter pondus corporis B est  
d B, et pondus fluidi mole aqualis est g B, ponder-  
umque differentia est d B - g B, sed per proportio-  
nem 7 Archimedis de Insidentibus humido, mo-  
mentum seu vis quia corpus quodlibet in fluido desen-  
dit, est ut excessus quo ejus gravitas superat gravi-  
tatem fluidi sibi mole aqualis. Corporum autem  
momenta sunt ut quantitates materiae; et veloci-  
tates simul; si itaque velocitas corporis A dicatur V,  
ejus momentum erit c A V. et si velocitas corporis B  
dicatur V, ejus momentum erit d B V, unde erit  
c A V : d B V :: c A - g A : d B - g B; ac dividendo  
antecedentes per c A, et consequentes per d B, erit  
V : v :: c - g : d - g. Q. E. D.

Hinc si corpora sint homogenea, seu ejusdem gra-  
vitate intensiva, in fluido eadem velocitate  
descendent, nam in eo casu ob c = d erit c - g =  
d - g ac proinde V = v.

Sic etiam, et vice versa, si duo corpora eadem veloci-  
tate descendant, erunt ipsorum gravitates inten-  
sivae aequales, nam ob V = v erit c - g = d - g ac proinde  
d = c.

Hinc si in fluido corpora aequivelociter descen-  
dant, tam gravitates relative seu pondera in flui-  
do, quam absolute sunt quantitatibus materiae pro-



portionales.

In hac demonstratione abstrahendum est à resistentiā mediū, quā oritur vel ex ejusdem tenacitate, vel ex velocitate corporis descendētis, et corpora consideramus tanquam libere cadentia eā vi quā ipsorum gravitas superat gravitatem fluidi.

Si vas sphaericum ex materia quavis gravi, ut plumbū, conflatur, cujus quantitas sit ad capacitatem ut 10 ad 1, sitque plumbi gravitas propria ad gravitatem aquae ut 10 ad 1, et vas aqua repleatur, et in aqua dimergetur, computum inveniēdo invenietur, velocitatem quam descendit vas aqua plenum, esse tantum dimidiam illius, quā descenderet sphaera solida ex plumbū ejusdem ponderis conflata. Hinc si daretur fluidum subtilissimum in corporibus perfectum plenum efficiens, non eadem velocitate descenderent corpora; sed ut dictum est experientia comprobatur omnia corpora eadem velocitate descendere, ac proinde nullum est istiusmodi fluidum subtilissimum in quo descendunt corpora. Vacuum igitur necessario datur.

Vides jam vis Dilectissime demonstrationem meam firmam et inconcussam manere, nec profecto scio (velitis his quae à te objecta sunt) quid amplius in contrarium afferri possit, novi equidem esse quosdam philosophos, quibus errores entorquere nulla demonstrationum vi possis; hos de veritate minime sollicitos, modo aliquid habeant quod contra obganniant, et quo errores suos tueantur, etiam si persuaseris nunquam persuadebis. Sed contemptissimis his philosophis, suis hypothesebus frui,

per me licebit; nec mihi otium est, nec avimus cum iisdem disputare. Ego certe honestius et magis gloriosum esse mihi, falsam deserere opinionem, quam eidem pertinaciter adherendo sciolis quibusdam non errasse videri.

Interim vis Clar. sunt et alia quaedam in Axioma, tria tua, quae à te diligentius et accuratius perpendenda considerant.

Cujusmodi est Axioma IX ubi dicitur densitates corporum, esse reciproce ut aggregata ex distantius molecularum minimarum. Et in scholio prop. prima afferis aggregata interstitiorum inter se collata rationem densitatis manifestare. At ego quandoquaque id tibi visum fuerit, demonstrabo, dari posse duo corpora mole aequalia, quorum densitates sunt ad invicem ut 100 ad 1 at aggregata interstitiorum seu spatia vacua, vel rimae materia subtilissima plena sunt ut 99 ad 100 hoc est fere in ratione aequalitatis. Sic etiam in propositione XL ponis vim ad disjungenda duo hemisphaera cuprea evacuata requisitam, majorem esse pondere cylindri aerei cuius basis est aequalis superficiei sphaerae, et altitudo eadem cum altitudine atmospherae. Cum revera dimidia illius vis sufficiat ad hemisphaera divellenda. Consulta de hac re Dominum Othonem Guericke in experimentis suis Magdeburgicis in pagina à te citata. et Celeberrimum Sturmium in Collegii Curiosi parte 2da, tentamine X. ubi videbis eos aliter calculum instituisse, et recte quidem. Nam licet vis premens hemisphaera sit pondus cylindri aëris, cujus basis sit aequalis superficiei sphaerae et altitudo eadem cum altitudine atmospherae, at dimidia tantum ponderis istius pars impenditur



Will Adams of Troy

Vous quel mort feroit-on  
 lestrait du zore de wolff

DSI

Votre Treuve. Leveitew  
 A. Leert

A. Leers

Q. 44

Monfieur

October 17 00



Neill John

1671 - 1721

L.a.s. Sp. 4<sup>o</sup> o.o. 5.xii.1709



DSI